

雙

硯

齋

詩

鈔

雙硯齋詩鈔卷十二

江甯 鄧廷楨 嶰筠

上元後一日抱甕園觀煙火和韋伯作

庚寅

東風吹暖淮南路璧月娟娟隔煙霧素娥不肯炫霓裳
讓與人閒誇火樹火樹初生一穗青玉梅花外光熒熒
滄江殷雷出地奮頃刻散作千流星流星纔定壽星見
瓔珞諸天裊面面奇肱納費踏風車羅刹迎潮飛火箭
朱鳥窗虛畫鷁開載將徐福上蓬萊仁鷺鷺銜書至
旋見葡萄逐使來魚龍曼衍爭先睹不道靈奇孕如許
美人情緒一絲牽才子文章萬花舞鵲杓重斟樺燭燒

銅壺珠滴漏迢迢暗塵不起輕煙淨更湧金輪麗碧霄
春陰以春陰江上來分韻得陰字

餘寒弄夕景薄靄結晨陰鈴索惠風動文疏溼雲沈曉
起褰羅幃小庭靜悄悄玉梅羞自獻半樹煙中尋交影
暗雙蜨變聲鳴一禽登樓眺闌都參差沒遙林不見楚
江遠但覺吳山深美人暎寶髻畫閣停瑤琴燕子殊未
來誰與媚紅襟冥冥數歸雁芳草天涯心

春雪用東坡聚星堂韻

青瑣蕭蕭響竹葉落鐙五日猶霏雪元冥作態欺句芒
叱起老龍頻叫絕江上東風戰不勝劍鋒擊碎矛頭折

新樹營巢鳥夢驚嫩苔被徑人蹤滅繁聲初和金鈴語
飛英旋上銀旛掣地鑪重爲撥寒灰冰甕微看散輕纈
四時顛倒速於花半夜溟濛細如屑憑陵盛氣竭三鼓
儵忽流光眞一瞥芳遊暫阻遊客興豐年且聽農家說
春心拗怒作冬心細嚼谿梅疑嚼鐵

春星

梅風送暝梨雲停娟娟月帶娟娟星瑤精忽破香霧白
珠顆半隱深煙青樓頭三五媚穉柳池面上下涵新萍
餘寒未放芒作作悄影但照花冥冥初疑流光綴火樹
儵似妙睇迴銀屏東皇昨夜朝帝庭疏旒十二垂晶熒

明璣瑟瑟帶萬釘蒼龍前導驅百靈草堂覓句聲清冷
高詠恐被天人聽

春盤以脆添生菜美分韻得脆字

春人如聚星下食方獻歲水精一器寒谿毛七種細承
露金太華呼月玉堪儷茵陳閒筍蕨苜蓿雜薑桂泠泠
沁心香憂憂造齒脆芳筵五辛薦齋廚八關齊勿笑空
闌干猶勝晶與毳曲水記流觴相將更脩禊

刀魚三首

春水桃花拍釣臺鳴榔風急網初開銀刀三尺跳波上
應自蓬池斫鱸來

吹雪纖鱗入饌香
蘆芽嫩白韭芽黃金盤
侍女高擎出
慙媿貞元聶隱娘

二月江城又薦新
堆盤幾縷芼茵陳
笑他翦取吳淞水
祇向秋風話細鱗

犀角筆筩歌爲異之作

戈船劃破滄波碧
蠻貨東南貢蕃舶
蠭蠭甲紫珊瑚紅
中有疑疑雞昧白
緊誰妙手截作筩
鏤冰刻玉求良工
一人策杖度巖壑
囊琴似欲彈松風
蟾蜍夜滴端溪冷
斗室裘成住毛穎
豈羨函人壽百年
靈心直貫千秋永
案頭筠管蒲盧巢
鼠鬚獼毳猩猩豪
三錢雞毛不敢近

駭極一躍秋風高先生大筆屠龍手使劍剗犀更何有
分水文成錦浪生辟塵書就織埃走去年獻賦罷長楊
歸下簾釘十二行縱不賜名傳古弼可勞蠲忿擬同昌
偶然得此恆沙劫遣伴書籤偕硯匣摩娑劇愛理如絰
半段分明腰鼓插食肉由來笑管城豈知骨相本豐盈
不須溫嶠然幽渚迟掃千言鬼物驚

觀韋伯作八分書

翰林駢儷匹開府餘事頗工書八分蚤從尉律諷孳乳
平視中郎非虎賁栗尾飛騰迅風雨麥光鰲鬣成煙雲
君之提籍吾邁過壽陵學步亦能軍

祁孫陽湖舊宅燬於鄰火有詩告災賦此慰之

東風測測楚江寒
覽罷封題蠟炬殘
有宅竟生蓮爛漫
開緘不報竹平安
惱人最是比鄰慣
上客從來曲突難
稍喜

賜書無恙在未須雙袖涕汎瀾

松鞠羅含舊有名
命著忽漫遇離明
星躔恰值丁壬妃
風信應從丙子生
茶具一舟仍作客
萼鄉千里若爲情
勸君候火調朱雀
他日重營心太平

戲作吃語

臨路樓籠柳登堂
闥挺桐碱前叢草
簇磴底獨簾通高

館歸孤客渟潭度釣童蒹葭隔江迴
冷鷺立玲瓏

觀張壽民作畫三絕

聞道趙昌花滿幅難將沒骨比徐熙
傳神祇在蕭疏處
政似羚羊挂角時

雪鴻老子筆峻嶒小阮風流合代興
縱使西堂爭說偈
傳衣終竟屬南能

殺粉調脂小轡開一時徵畫客
廬來不辭踏破鐵門限
祇恐彭城萃斲材

閏月五日小集八箴堂預爲端午之會

已過淮南麥秀天江城吹笛惜華年
酒情芍藥櫻桃後

詩思菖蒲艾葉前列坐羣賢多吐鳳將歸獨客信唳鵲
時壽民將東歸平原高會邨能必快瀉滄江藥玉船

五月十六日雨中集大觀亭

灑灑沈陰撥不開御風重到小蓬萊吳山左界參差沒
蜀水東奔跌宕來江上竹枝劉夢得雨中梅子賀方回
頻年哀樂誰能遣合倚高亭當嘯臺

櫻薦

藉用殊茅潔數重較筍堅枿欄根自老莞蒨席同編抽
葉芳蕉破留皮粉籜懸纓影曷胡短髮散夜叉鬢辟溼
誇新製棲巖憶舊緣勻宜鋪絮手巧過結繩年迥異障

泥錦平分糝雪氈筵長看匝地街直記朝

天

殿廷以櫻薦被地爲路謂
天之櫻街鑾儀衛官一員掌之

縛帚微塵淨提鞵小

步便滑應輪莖竹香不貼金蓮豎拂堪談道爲規或坐
禪良材多中用更覆小亭圓

櫻笠

尙象崇天體搜奇擷地材巾非一角墊樹是十年栽南
海初抽穎東菑正聚臺吹毛璇折見束髮錦文回蓬首
飛難起蕉心剝漫猜橫庚絲斷續卓午影徘徊楚澤含
霜老吳山冒雨來皮存堪補綴頭責任嘲詼斜界螺紋
轉圓光鵲頂開何勞青簪拾不藉翠筠裁緇撮都人望

團飄國士才
機欄誰自號
車下好追陪

櫻拂

儷句江淹頌孤標
鄭俠祠

鄭監門一拂祠在
上元縣虎踞關

風牽繡簾

近霜剝錦城遲縷縷
分長鬘繩繩異短釐
一麾憑妙手
萬緒脫妍皮細擘
仙人掌低垂佛子
眉程材輸白羽侔
色誤朱絲能遣蠅
頭避休疑塵尾持
執從晞髮處豎向
結跏時攢石前身
在緘縻後日思涼
非捉葵扇瘦或挂
簾枝有用才雖薄
無塵號最宜拈毫
成漫興不擬少陵
詩

櫻鞦

戰水湖煙碧遊山徑蘚蒼當頭擢新穎行腳倚輕裘
葛蒙原陋花欄曳最良蜀天披晚翠楚地踏幽香鳳
銜弓據鳧眞藉網張有皮頻引緒著眼暗生涼紋暎
罨密絲迴絡索長籜龍應赦筍筐蠓未輸芒縷縷曾
挑雨佻佻不履霜甘爲放踵墨卻笑拔毛楊春採臨
沅縣秋延響屨廊老夫猶健在桐帽共相羊

六月十八夜對月約同人作

梧桐墜露涵金井風信先秋弄秋影天東缺月上初更
斜貫玉繩光耿耿團扇生衣客聚星吟詩喝住老蟾聽
可憐歌舫青谿曲醉擁紅鐙撼不醒

秋後酷暑終日寂坐有懷平甫明經用東坡答汪

覃秀才韻

雄談誰鬥箭鋒機丈室安心乞本師雲漢一篇空有畫
陔華諸什故無辭顛風偶作郎當語靜日微吟蹇吃詩
忽憶西鄰尤熱惱火雲蒸透肉山時

浮屠氏計僧臘余年二十七始通籍今年五十六
恰三十年是亦余之僧臘也作三十自壽偈言
瓶鉢儼然三十年了知飯色異諸天難隨龍樹稱尊宿
妄引牛車重仔肩千偈機鋒翻似水幾重公案渺如煙
覓心便是安心竟文室惟參本分禪

十二月初五夜

勝友清尊倚夕曛江風似欲展春雲
今宵酒醒應微笑花是三分月二分

立春先一日雪二首

託體清如此飄飄奈爾何無聲滋隴畝積氣靜滄波
瑞色先三素閒情稱五絃當風務韜采粵犬吠原多
紙帳袁安卧綈袍范叔寒漫天吹絮易匝地雨珠難魯
酒何妨薄唐花不耐看吉祥徵止止虛室且盤桓

鎮皖樓望江限韻

辛卯

長風沙白練潭西百尺梯桹櫓共攜彭蠡潯
深春去雁

丹陽水長夜然犀天浮積氣成雲海人倚滄波記雪泥
我欲中流發歌歎竟拏歸櫂向青谿

種蕉限韻

商略高低讓竹梢評量疏密間桃肴芳心宛轉螺盤髻
修尾鬖髻鳳踞巢拓地三弓除蔓草澆泉一石酌寒匏
平添百番雲藍紙卧近窗紗險韻敲

團扇限韻

涼飈猶未送寶鴻一翦生綃付短童成璧欲欺梁苑雪
裁絨休怨漢宮風翁誇入畫過簫市妾爲羞郎閉綺櫳
亂撲流螢緣底事不如招月桂堂東

舞鶴限韻

官閣相攜伴一琴
蹢躅不受曉風侵
褰帟可許留輕燕
聯袂眞堪作戲禽
莫向羊公階下過
好從鮑照賦中尋
海山多少神仙侶
棖觸飛騰暮景心

洗桐限韻

琴材百尺午陰涼
清閼堂西牡蠣牆
政恐元規塵易污
邠容飛燕唾留香
寒泉灑葉流新翠
細雨霏花濯淡黃
不是畸人矜潔癖
要看鳴鳳下朝陽

梅雨太甚愀然憂之

梅雨經旬捲怒濤
小園盡日長蓬蒿
棲檐敲雀殊煩聒

出樹雛鴉已暴豪
壞壁痕如釵折腳
故衣黦似刺生毛
渚鴻澤雁多堪念
怕聽江潮一丈高

送小韋歸里

江亭倚馬送將歸
秋老霜風入袂衣
絳帳傳經前夢在
紅鐙說劍壯懷非
榻縣孤館鴻泥遠
帆到危磯燕子飛
隔歲期君更相過
還心休遣白駒違

雪中天竹纍纍可愛
用聚星堂雪韻禁使絳蠟紅
珠珊瑚火齊等字

瑤池阿母簪瓊葉
貝齒嫌山嚼甜雪
麻姑擲米戲相招
亂綴釵頭詫奇絕
昨夜圍林玉霽降
叢篁欹倒松枝折

牆東獨有南天竹，淨土靈根不生滅。
玲瓏瓔珞重欲垂，鬢髻幡幢凍猶掣。
方驚萬樹梨花開，何物天桃幻濃纈。
睡起老龍真好弄，故向洪鑪點清屑。
豈同芭蕉畫狡獪，不似羅浮夢飄瞥。
我來被篲眼忽明，對此飛觴口能說。
錦步障底金谷春，如意何勞更揮鐵。

大風寒甚倒押前韻

烏府先生面如鐵

余忝帶憲銜

向人枯坐邨堪說，

昆吾刀冷削準顴。
光一瞥，臞肌起粟肩聳。
聳字凍唾成珠，口霏屑。
公髭蝟磔慘不舒，電眼蛇驚爛。
生纈遙知孤艇訝，鷁退更恐輕興苦。
牛掣笙喧瓶水聲，忽微豆小窗燈。

燄將滅頗思蟻釀沾脣醺不怕狐裘壓腰折土囊盛氣
威莫當我獨登樓頻叫絕冬蟪寒死麥來降盈尺諸州
報初雪劇憐鴻雁不勝哀亂集江臯隨敗葉

東坡生日集赤壁賦字二首

名流生歲斗爲宮石破天驚蓋世雄此地蒼茫留賦在
斯人寥落坐詩窮攜魚共泛清波月駕鶴孤盤絕壁風
將往從之安所適黃州西岸雪泥空

霜臯露渚鬱相望倚櫂橫吹薄上方半夜何來洞仙侶
千秋無此水曹郎南遊山色凌虛見東去江聲接夢長
尊酒小巢如昔日桂旗應下仰蘇堂

人日簡長卿

壬辰

戊子人日江天晴管子歌詩亮以清庚寅人日寒欲雨
馬生歌詩笑且舞馬生奮袂登瀛洲三年不見思悠悠
短翼差池已紆鬱管子奈何成異物人生泡影安可知
山邱華屋曾幾時今歲壬辰又人日啜茗清談但吳質
疇曩君亦吟春風傷離歎逝情應同幡然語君勿復道
君我垂垂皆向老去年大祲民苦飢憫時日夜生霜鬚
今年辰良景亦美占爲有年使君喜君當強起爲我歌
唾壺擊缺春聲多行將述職入京洛攜示馬生大笑樂

詠八箴堂牡丹

深紅淺紫手親栽風信連番穀雨催四壁千堆邀客醉
七年六度及花開樹旛人豈殷勤護擊鼓天教判斷來
笑爾虛名稱富貴春城無力起樓臺

對月懷都中同里諸子

疏桐墜露金波涼照我羅幕流輝光紅梁新醞不忍酌
素心千里空相望京華城闕枕北斗乘風那得隨鵷翔
數子英英擢翹秀隋珠荆玉輝吾鄉草堂苗裔劇清發
沈博典麗儕班揚何郎才名稱水部夕趨瑣闥含雞香
農曹之何亦超絕歛退就懦森寒芒馬生改官作列宿
十人足了千夫當八叉妙手年最少神氣張王書盈倉

難兄大雅獨晚達
神山引去迴風檣
金題玉躐競斧藻
鸞翔鳳翥爭頡頏
余淮南握英蕩孤
亭一角環滄浪
回首螭坳憶簪筆
曾隨仙仗分鴈行
巢痕已掃不可復
仰睇玉宇心傍徨
今年拜疏乞述職

詔下未許朝

天閭流連光景念
公等迢迢碧漢圍
紅牆吾人有鼎貴
自愛切劘道義相
扶將鑑籒豈判氣
冷暖桔槔肯與人
低昂爛銀盤裏印
心跡昏旦何用嗟
參商眞靈位業各
進步拳拳叩叩長
毋忘

五月二十二日雨中涼甚分韻得月寒二字

屋角鳴鶻鵒晨雨涇林樾江風吹羅裳泠泠入毛髮陽
氣正燠怒陰機乃竊發飄桐誤刁騷滴竹激清越日晡
呼半臂塊然聖兀兀下簾招縈心起試小團月
去年梅黃日霖霖倒狂瀾東南被創甚剜肉成瘻癥今
年梅黃日測測清江寒思之輒心悸政似驚弓翰涼風
亦不惡胡爲發長歎但祝勿傷稼蔭喝蘇勞瘁

與平甫帖附錄

澍雨連日罔閒颿鼎霽霽罨戶未叩已叩滿墜浥涇
殆不可步遶碱徹礎外內一碧几案服物滲漉黯澹
越宿色白有若礫蛭判牘旣竟兀坐短榻瞑眩熱惱

侶入飯甌偃仰數四晷景始晃霍子足下曷已遣此
著幾兩屐阮氏所歎直造竹所古號放浪足下達士
或亦惠肯忼榜訪戴諒不興盡率尔奉白幸賜省覽
嶰老頓首

七月己巳禱雨大龍山求取靈湫甲戌乃雨

乞取靈湫五日過龍山雲氣漸分柯風從楊柳枝頭覺
雨向梧桐葉上多稍喜甘膏被舒皖還聞潦水溢淮渦
創痍未起愁心劇奈擁旂旄五丈何

丁丑戊寅復雨

雷車驚起老龍頑急霤翻河霧沒山占日得丁諸水妃

冠雲蓬戍破天慳酣眠涼簟成三昧飽食齋廚散八關
擬上江樓最高處西風觀稼一開顏

長卿左股患癱卧次有作依韻和之

勵志眞成刺股傷召醫可以折肱良君嬰美疾嗟旁腫
我念遺黎劇補創一笑尻高通隱語千金肘後試奇方
雍且誤讀何須辨潞涿相嘲也不妨

江亭口號

汶江如玦抱秋城髡樹蕭疏落葉平閒倚江亭數帆影
白雲多處不分明

對鞠

晨陰釀微雨不奈晚花何舊謹稻舍在秋懷宋玉多寒
泉分紫筍小炷炮銀荷欲問柴桑宅蘋風冷綠波

食栗

偶拈佳實佐深盃夢遶觚稜首重回十載宣南坊下路
西風和火送香來

余忠宣公祠

遺廟中丞肅穹厓半壁青沙寒賓爵化雨急戰龍腥傑
閣收蒼莽遙帆入杳冥天吳休踏浪應辟盡臣靈

食菜

萬錢下箸豈吾儕老瓦盆中味自佳肺病不求天姥藥

時方病嗽心清誰犯太常齋公廚發羶嗤盧鴨寒夜登盤抵
庖鮭何日小園容作賦一畦霜露踏青鞵

問汪平甫疾

汪子抱軼材螯弧志先把縣布蘇復上再絕隊原野幾
年作債帥抨擊豈相假圍之竟數重宵遁聽班馬子方
潰圍出我亦困垓下身爲衆射的飛矢集要髀執冰安
能嬉棄甲婁遭罵犀兕非不多口衆而我寡憂來心悒
悒坐此患癥瘕憧擾及清寐顛倒遇宜櫛哀樂傷中年
當賴絲竹寫不然觀良朋劇談閒笑嘲誰知子更憊臂
痛創口疔曳踵如車輪恃杖行跣跣良藥百裹服孤館

一鐙炮九折迴中腸
鉛淚背人瀉語子勿復爾浮世但
聊且倡條與治葉安用自牽惹丹沙養朱雀慎保顏如
赭千金好時田詎必輸陸賈我亦翻然悔禪縛謝縹緲
譚語從攜撫敝衣任擣撻遲子病良已西窗共尊罍止
酒或和陶活火瀹葵鎊卜鄰約他年更結隻雞社吟成
當七發大宅頓瀟灑

漫興二首

蒼厓壁立俯滄洲
覓果青猿叫不休
枯瘦山靈應自笑
此中未種橘千頭

寒山一髮莫雲低
流水無情日又西
成陣昏雅原自好

祇愁老樹不勝棲

八箴堂雪與諸子姪戲押強韻

玉戲千頻舞珠塵篋盡肱輕纔飄絡索重欲俯籊條帔
葛欺公子裁紉失婕妤侵階光湫澹冒棟勢紛拏九達
達連璐千門瓦搢瑯圓藥瓢結瘦擁腫柳爲疽寒闕窺
簷虎飢嘯拾橡狙無聲消蟪蛄有跡走夔魑送炭鑪添
獸封泥甕泛蛆海南蜺甲碎山北鶴翎梳起粟肌蕭瑟
搏冰手劬勵探梅愁凍合灑麥聽歡臚緩帶銜銀鶻慵
書笑墨豬冷吟行得得僵卧夢蘧蘧深坐思狐腋微醺
薦雉脍何郎詩興發猶勝詠夫渠

除夕雨水

遺編檢月令仲春始雨水啟蟄在正月西京尙爾爾雨

水正月中蓋自四分始

說見錢氏三統術衍

沿之越千載積算如

黍索朔中或不齊先後數日耳今年值茲辰乃在丑月

裏年方除夜殘斗已上元指酒因餞臘傾風可試鐙儼

數逾三五強故事闕經史中氣入前月古法安有此

賈公

彥周禮疏節氣有入前月法中氣無入前月法我

朝盛作述精蘊闡數理置閏象歸奇推步邁周髀自營

室至奎一一叶星紀紀事題新詩

龍飛歲癸巳

卷十二終

雙硯齋詩鈔卷十三

江甯 鄧廷楨

長卿自樅陽遣人來言憚於涉江將以

陸來省而是日大風雨不果至適與伯英月潭

集詩牌字分賦得風卽以奉懷

癸巳

萬松虎嘯斷鴻驚亂舞殘紅氣未平雪浪如山江水立
有人倚醉怯舟行

瘞鶴行

劉郎攬轡南交行遺我一鶴霜毛清臨風似惜主人去
引吭含睇時孤鳴徘徊顧影松杉下雌鳳女龍怨遙夜

俯仰難爲碧落翔支離竟作朱方化尋煙弔月山之阿
縱賦招魂奈爾何已是驚寒隨庾信還思入夢揖東坡
一坏之土作幽室欲勒銘辭無健筆江雲悠悠江水長
送汝華陽訪真逸

八箴堂牡丹

華嚴樓閣鬱相望天遣禮姿壓衆芳宛轉雲機駕作錦
玲瓏煙嶂麝投香聲傳羯鼓五千丈豔簇金釵十二行
忽憶長安春似海有人高處詠霓裳

牡丹詞上下平三十首

枝枝歐碧閒鞦紅桃隴西偏柳院東恰似方壺員嶠上

五雲臺閣起當中

澆泉縛草過三冬
油幕深深護幾重
養到十分春絕麗
直須喚我作花農

槎酥滴粉豔無雙
香霧銷時拓茜窗
不是侯門傳蠟燭
居然二等列金缸

腰鼓何須百面持
花神揖我索新詞
鴟弦付與曹綱撥
譜出東風第一枝

不爭燕瘦與環肥
一種玲瓏著舞衣
遮住琉璃屏六曲
恐教化作彩雲飛

海棠落後曉晴初
消息探來穀雨餘
不羨南朝王儉府

祇誇淥水泛芙蕖

薦褥香熏雉尾爐
海紅帳底綴流蘇
分明度與鴛鍼繡
顛倒天吳紫鳳圖

忉利天橫碧海西
珠塵細碾作香泥
朝來仁歇曼陀雨
彈指都成五色霓

惜花人起步苔階
無語閒提金縷鞵
惟有遊蜂眞解事
安黃故故傍鸞釵

殷紅澹白手親栽
底用天彭百馱來
不管故園家四壁
且羸官閣錦千堆

鄰園跼蹐沒荒榛
寄怨東風扇未勻
安得芳叢萬胡蝶

含香飛作滿城春

重重簾幕隔紅雲
隱約金泥簇蝶裊青瑣窗中人小立
渾身知有異香熏

膏然綠桂熱溫磨
片片紅生一捻痕閒與親賓釀軟腳
高談分付玉昆侖

瑤京宮闕簇鸞鸞
亞字紅牆卍字闌昨夜東皇開曲宴
擎來徑尺赤瑛槃

銅鋪玉蝨自爛斑
芳樹晴時晝掩關領取青春過百六
不勞辛苦訪泉山

瓊枝作態鬥暄妍
一本何須定萬錢三疊涼州齊打徹

放他和月十分圓

蕙支濃點韻嬌嬌咫尺蓬山路未遙
政似金匙調茗酪
羅幃深處見紅綃

九日陰含豆蔻梢融風一夜綻香苞
臨安緩緩歸來候
似爲錢王作解嘲

南宮春宴啟櫻桃紅藥當階逗采豪
留取花王禮豔在
繡絨端正上宮袍

盛鬢豐容別館多內家妝束盡阿那
霓裳舞罷朝元閣
又聽三郎得寶歌

金谷園開起絳霞
醉花祇合泛銀槎
燒琴煮鶴君須戒

莫向晨葩更啜茶

燦爛雲機列九張
金猊繫處有輝光
小蓬萊上春如許
便把羣舒當洛陽

沈香絕調譜清平
倚徧雕闌倦眼明
我是前身丁學士
公然八載主蓉城

花幡一樹近疏櫺
擘柳風搖九子鈴
傳語令公眞富貴
天孫特爲駐輜輶

靈芸紅淚欲成冰
娟好還應勝馬塍
要助金霞光不夜
畫廊西畔九枝鐙

雨絲紅濕露華流
通德無言擁髻愁
鬟鬢宮鬟嬌欲墮

祇應那飲爲扶頭

小院風微永晝霽雙雙鳳子坐花心夢中自詡遊香國
四面紅樓深復深

龍蟠虎踞路曾諳東府春深月正三惟有龔園花四照
教人回首望江南

諸天瓔珞妙莊嚴七寶修成鵲彩蟾位業由來推上界
不應婪尾較襪纖

天香浥浥染春衫斑管吟詩鳳味銜學作金華殿中語
封題合付紫泥函

漫興

曾杼顏塵觸處逢放懷今古轉無悰
刻章自薦嵇延祖
禮法深譬阮嗣宗買骨誰求燕市馬
失魂空好葉公龍
仰天一笑增惆悵那得金鍼砭妄庸

憫歲

大有書年願又虛西風眇眇正愁予
魚龍亂踏寒濤上
鴻雁爭求破屋居我憊心脾頻痛後
人支皮骨未銷餘
水衡不贍東南急太息長沙積貯疏

登迎江寺閣

使君強起暮登樓吳楚山川接素秋
珠斗星臨南嶽動
滄浪水入北江流時平尙有生鰲犬
歲儉都無濕耳牛

卷一 三
滿眼葭蘆滿陂雁西風清角不勝愁

宿州道中遇雪

風獵畫旃鳴天連大壑平雲迷項王里野失魏公營
牟麥占春事谿山引勝情簡書良所畏茸帽劇遄征

謁閔子祠

酌罷椒漿古壁幽一川葭莢不勝愁千秋別有傾心處
天外寒雲汶水流

過徐州作

八年不踏彭城道落日重尋戲馬臺萬里昆侖寒水下
四山芒碭大風來樓頭清角聲遙遞天半長隄影倒開

太息故鄉空衣錦楚歌蕭瑟不勝哀

宿大關

羣舒殘雪沒嶢嶢宛轉肩輿怯路遙臘盡高田猶放水
冰消斷港已通潮澤中雁堵誰能作天半龍瞋似見招
差喜姓暉散林麓青旗歸去及春朝

春帖子

甲午

春雲紉縵照江湄候景占風紀歲時晨起出門聞好語
香龕審飯喜如飴皖俗以人日禱於神祠炊飯一盂瘞神座下至臘月廿四日啟驗之視泥
變之多寡卜來歲之豐凶化水則大饑色如沙糖則大熟客歲所瘞恰如糖雷博士俊云

寒食

文杏緋桃門妙妍沈霽猶作嫩寒天三春花事如流水
八度江城閱禁煙俛仰劇增懷古意逶迤空負簪書年
粥香餠白差堪遣卹用千金好時田

清明喜晴

九日春陰一日晴柳絲風裏過清明人思酩酊酬佳節
天與暄妍慰物情梁上香泥初睨燕江南芳樹未聞鶯
車帷閉愜眞堪笑何日青山載酒行

奉和吳長卿六君子軒牡丹花下作元韻

綺寮羅幕隔重重知是巫雲第幾峯平地樓臺紅玉琢
遙天印璽紫泥封楊妃妝豔何曾瘦荀令香多不礙濃

花意須隨人意好華燈乞與綠盤龍

爲曹司馬

江

題字甕圖

甕乃江先世黃門公故物用以焚字紙者副憲公因

之至今猶存蓋兩世諫草皆焚於是朱山人鶴年爲作圖

君家空堂四壁立忽睹堂隅黝光動短脰詰訕亦鳴
大腹彭亨鑒猶洞摩娑辨是百年物看君雪涕談方縱
爲言兩世諫草焚史稿蕉園差與共厥初嶽嶽黃門公
桓典立朝驄馬鞵戴冠無慚鐵柱望問夜頻驚玉珂夢
尙書易象經紛綸封事居然陳古諷

黃門公入臺當

高廟初政公

上疏謂方今督撫明作有功之意多惇大成裕之意少損下益上之事多損上益下之事少

旨哉斯

言括萬有深文小苛詎阿衆宣德當思飲以醇任重唯

求厚其棟蒼鷹迴眸絕凡睠威鳳蜚聲無俗哢蕙鄉歸

權家具攜蕭寺虛廊康瓠空一重公案託禪悅幾載巾

瓶隨梵誦

黃門公歸以
甕寄懸忠寺

憲臣世閱繼清風驂服後先相

縱送已薄功名思抗疏豈有文章甘覆盆盈廷共數黯

性贛閱世方知賜言中炙手奚辭丞相嗔冰山旣倒憐

人慟

副憲公劾奏和珅家人劉全不法見朱文正公所撰墓志銘

青氈故物浦珠還

埏埴由來悟冲用矜異非關銀鏤賞瑰奇何必琉璃貢

文字緣深脈望魚

絲綸恩湛觚稜鳳銅臺藏墨未爲珍鐵限退毫安足重

劫灰或許胡僧識寶藪徒令舍人痛楹書能讀嗟君賢

抱器長存亮無恐癸彝乙鼎互焜耀更誦清芬示羣從
子子孫孫永用之五釜毋同五都閔

九月晦日過射圃與親賓射歸至八箴堂看鞠

霜風吹角麗譙譁五丈牙旗夕照斜去聽餓鴟鳴勁草
歸隨寒蝶覓新花身長差喜勝官箴戶小何妨近酒榼
未許柴桑招隱逸西涼白羽尙雄夸

夜集八箴堂

駸駸節物惜流年一室琴尊性所便今夕唯宜譔風月

世間難得遇神仙

坐中以屬神
仙對爲戲

茵椿早悟莊生旨黃白

誰耽抱朴篇東洛由來淡生活不須笙管沸華筵

長卿生日

我初來皖江君年四十九明年正五十招客置尊酒因
循又七年坐閱璘儀走我年儵矧甲渥丹化爲叟君亦
行將及鬢髮各衰醜人生非木石安得百年久龍鍾任
相戲充悅期不朽我早竊天祿曷圻慎封守才慙寸寸
斷所媿印懸肘君爲洛下生擁鼻效老婦束身自急敕
言笑百不苟論交八年強適願非薜若負如叩與歷辰
豈卯避酉潏洄得伊人直諒乃益友往歲值茲辰清霜
已藹柳今年秋最遲黃鞠尙盈瓠掇英爲君況晚節惟
其有君當味斯言塵世一開口對花發罍盎觴政不設

糾君醺我以卮我酌君以斗

道光甲午十有二月賤子六十生朝同人以文字
爲壽聯翩藻翰各具瓌奇溢美過情讀之媿赧
謹賦五律八章略述鄙懷兼志嘉貺率爾成詠
不復詮次

漫說星辰好非關骨相奇人稱大戊子我悟永禪師修
養無須藥行藏豈命著身官差可喜不坐斗牛箕
憶著青衿日嚴君館已捐迨紆黃綬後慈母算猶延笙
奏何曾補弧懸枉自憐悽然念明發長廢蓼莪篇
異數叨非分迴翔念服官遷階越資少起廢卽家難獨

荷

君恩重從知

帝澤寬微忱思報稱所媿智能殫

白面呼包老民言亦太譌雖無關節到終覺笑顏多詛
祝輿情慣圭稜世事磨喜余門下士生已作閭羅

傳衣紀佳話展謁在京華弟子三台貴春秋兩榜誇已
看出門下況是託年家公案重重結真慙說絳紗

吾母抱孫日吾年方壯時今年政六十恰見兩孫枝佳
氣充閭報嘯聲隔戶知衰翁最堪哂尙有袞師兒

謝客門前慣華筵豈漫開里中羣從在江上數帆來亟

訊家園竹同吟官閣梅懸知歸老後嘉樹定無猜
多謝羣公意瑰詞疊素縑
歌宜有酒刻畫到無鹽豔
雪入牙頰清風生簡籤
逕須裝玳瑁珍重抵金兼

宋亏庭南城燈火圖二首

紀都門
結夏也

蓮漏迢迢徹曙雞東南俊侶共招攜
石渠祇合斯人住
乞與摛書太乙藜

蘭釭金粟綴花襪隔斷宣南樹幾重
棖觸春明舊時夢
天橋霜月後門鐘

李鳳洲歸舟理釣圖二首

拓落江湖感勝遊
秋風穩放秣陵舟
數行新雁千條柳

直到桃根古渡頭

一舸沿谿學老漁
半安茶具半裘書
也知下潁田難買
便擬牽船岸上居

陳鐵君六十生辰

先生今年年六十
苦祕生朝不告人
三百六旬且垂盡
此內豈乏君生辰
古人卽事可爲壽
奚必窮究冬與春
逕率生徒造絳帳
一卮奉介詞具陳
先生撫謙抱盛德
未敢浪頌甫及申
少時文筆擅鳴鳳
千巖萬壑相鮮新
歲在涪灘得鄉舉
我亦忝附霓裳羣
明年上計試禮部
鶚薦同出邱遲門
我偶得第厠史職
惜君吹墮隨鸞輪

同門同舉渾不識相識始自丙戌年我來羣舒握英簞
君亦作令江之濱山城如斗綰墨綬與民休息蒲鞭懸
中牟惠政著三異三代直道猶斯民我雖知君未論薦
柳下毋乃譏臧孫磨蝎坐宮箕翕舌一官獲落棲邱樊
莊舄越吟豈不戀正坐廉吏歸無田翩然渡江來就我
爲君下榻開東軒特遣侯芭問奇字爲師邴邴魏昌黎賢
諸生才地謝籍湜負牆聽受經紛綸有時文字悟言下
棒喝比似南宗禪先生時雨化最速長者已自能飛騫
春秋兩戰戰皆捷南溟萬里隨鵬鷗君於仲子譽猶甚
謂渠氣足張吾軍金臺秋風不得解歸來講貫情彌敦

兒輩師資吾畏友久要勝飲周郎醇西窗夜坐共翦燭
蘭臭每愜同心言同袍少年更有幾落落三五晨星存
長洲小宋獨清發討論經史秋瀾翻與君接膝近一載
意氣不減聯牀親吾儕懷抱向誰盡結契各與千秋鄰
丹砂伏火紅入頰松喬何用誇仙真大椿荒唐笑莊叟
歲星恟怳噬平原百年供養足圖史四時宜衛宜琴尊
生日吟詩古亦有欲使去日仍留痕俛覲寒梅當清課
仰見明月思前身李委吹笛大狡獪鶴飛一曲揚芳芬
胡爲鍵戶謝賓客作此寂寂空朝昏今夕何夕勸君醉
小榼試與攜昆侖我爲長歌祝壽者願君自壽如彭篯

君當宴客逕投轄蓬蓬丈室春風溫

題曹劍亭先生借陰圖爲玉水司馬作

杉籬桂巷劇幽深分減牆東半畝陰種樹已曾籌十載
買鄰眞可值千金山中自愛涼蟬韻海內爭傳威鳳音
老輩風流未衰歇石牀重與認眠琴

雙硯齋詩鈔卷十三終

雙硯齋詩鈔卷十四

江甯 鄧廷楨 嶰筠

春帖子詞 乙未

入世重逢乙未年新韶攬鏡已華顛
一家弦誦天倫樂
十載麾幢

帝澤偏信啟番風占歲稔祥開元日在春前
科名官職
承

恩重卻望

觚棱媿俸錢

爲友石大京兆題北峽關晴雪圖

龍暝春曉迤紅旌北指羣舒馬足輕江上諸峯三日雪
雲中雙峽萬家晴關心牟麥舉帷訊決皆叩竦叱馭行
我亦浮屠桑下宿摩挲縑素不勝情

僮奴殺蜂飼蟻感而有作

將蜂與蟻食蟻喜蜂暗悲一種列蟲豸厚薄胡分歧蜂
乎爾勿悲天道有盈虧爾毒畜已厚芒刺鋸如錐螫人
痛徹隨害物創生肌造化至仁愛豈容爾恣睢強梁會
有日敗衄會有時此獠一撲殺脫穎空爾爲深垓築京
觀似戮防風屍蟻與人無爭得失心焉知今日田有獲
結隊張雄師居然過屠門大嚼甘於糜爾蟻亦勿喜秋

霖恐頻施坐食非可訓儲備須防飢懲惡而勸善吾心
何所私誰與牛羊牧願言視此詩

劭文至自六安將歸常州用東坡答山谷粲字韻
送之

涼蟬辭疏枝秋色忽將半思君在遠道屢作朝飢歎喜
聞足音來勝獲球璧玩揚舲會東下萍聚絮復散淒然
念秋墳行覓鬼唱伴

君將以仲冬爲季父祁孫大令營葬

蒼狗易幻雲黃

雞劇催旦死生與離合百年幾公案當舉椒桂馨不雜
榛莽亂差池判臭味有孚占觀盥愛君如春風著物和
且緩清言霏玉屑好語似珠貫我久勞簿領斂退甘就

懦凌寒嗜飲冰趣熱恥挾炭彼都有人士待子詠適館
君爲六安山長生徒甚衆約以明年重來相期在青春擊汰江水暖良會勿
復靳霜髯各已粲

余撫皖之明年丁亥初夏手植牡丹四本於八箴
堂十年以來枝幹鬯遂花時輒七八十朵極爲
豐豔今秋移官兩粵恐遂被人翦伐乃屬衙官
彭邦留等加意守護以待來者作詩呈權撫部
事鏡塘方伯兼寄懋齋中丞

栽培幾閱歲華深著手成春喜不禁莫莫朝朝三月景
拳拳叩叩十年心也知芟舍輪棠芾未免江潭惜柳陰

留待花開徵四相殷勤調護企朋簪

卞光河以詩贈行賦此奉答

十年京國聲名久五馬樅陽意態殊矯矯風塵看一鶴
紛紛喜怒笑羣狙無瑕爾寶荆山玉有鑒余愁合浦珠
此去離惊各江海鯉魚尺素未應疏

鄭州阻水乘小舟至趙北口

斷岸雙輪卸荒城一櫂過我行方向海此地忽遊河辛
苦征途慣艱難世事多飄然念鄉國畫舫足煙波

海淀見月

昆明湖上素蟾生鵲鵲霜濃近太清玉宇瓊樓寒亦好

卻教飛向海天明

乙未九月拜總督兩廣之

命赴

闕請

訓十月廿八日

陞辭南下恭紀

晝接便蕃喜近

光親承

寵命出

天閭東方老去麾千騎南海新來跨五羊
檣楫遠隨漁

水下梅花香度庾關長番禺蒟醬休輕問勿厭清貧是
此鄉

題張詩舫觀察轉漕集

青瑣含香玉漏移

禁中久誦夕郎詩輓輪績著三年蓄吟諷抄嫌十吏遲
學富曹倉勤素業句工盧米發清思一官一集從茲始
看取編成一品時

東阿題壁

自別西山去平原千里間須句問旁邑始復見孱顏沈
涉波光迴龜鳧石氣斑霞朝與霧夕都向岱宗環

徐州渡河

南征盡滕嶧漸見楚山蒼
城郭環清泗帆檣接下相
寒風怒濤白落日大隄黃
欲訪臨淮蹟登樓一舉觴

重過桐城遇雪

揖謝山靈惜別情
馬前吹落萬花輕
去時零雨來時雪
多少雲仙管送迎

泊大孤塘

菊江亭上見朝曦
敷淺原頭送落暉
岸折忽如駒暫過
帆輕惟讓鳥先飛
匡廬縹緲神光合
江漢蒼茫霸氣非
去住儘隨鷗浩蕩
人生何事不忘機

上灘

曉發萬安縣鳴鉦駕艤艗榜人動色戒坎險從茲長初
程號漂城擊汰聲砰磅湍激石齒齒壁峭松蒼蒼下無
文篠浮上有飢鳥翔昆侖與黃鹿駭浪驚雷礮天柱更
奇詭迅駛無瞿塘其餘各紛拏千態互翕張寒流亦清
泚胡乃含鋒鋌篙師競謹譟霜天汗流漿旁行詰曲蛇
直上鋌走鑿安危寄呼吸成毀爭豪芒併力與迎距失
勢嗟羸尪艱難似退鷁蹇劣如跛牂我思文信國雪涕
行俚俚偶說惶恐灘舉儻零丁洋彼時丁陽九苦語憂
以痒我今際

泰運拜

命來炎方竊比漢將軍樓船下滇滄方將布

威德跨海綏蠻荒區區此盤渦安足摧衷腸顧念蹟埕
戒中宵起旁皇丁寧誠舟子幸微未雨桑把柁慎所守
勿恃身手强入險出乎險靈著示否臧遲速會有時從
容泝流光布帆告無恙芝蓋飛崇岡嶺頭萬梅樹夾道
春風香

夜泊贛州

灘聲纔過角聲催雉堞參差影倒開攜得鷗潭潭上月
半規來挂鬱孤臺

生日林月亭孝廉宋石琴秀才袁又邨上舍用工

部上賈嚴兩閣老詩韻聯句爲壽因借玉谿復

上杜僕射詩韻成四百言奉酬

丙申

益友箴規意才人組織功洞庭張廣樂縣圃惣元風濫

泚詞函海輪囷筆架嵩連珠穿絡索碎玉佩丁東直跨

熙甯上笑論大厯中字成羅漢果

大製凡五百言

光燭斗杓穹

鴛采頻迴顧鯨鏗欲振龔引商諧律黍流徵叶絲桐憶

自臨要服眞堪媿末躬柳營才磊磊蓮幕氣熊熊粵嶠

場誰擅孤山詣獨工杜肩看瘦聳阮目轉瞳矐譚藝韓

蘇比讐書歆向通形聲許祭酒故訓鄭司農袁子今佳

士隨園昔卅童英華儕謝客簡要擬王戎披牘觀原速
聆音聽特聰綺年占電發麗句肯雷同況有吳門練來
彎越國弓一經師稷下九辯祖牆東精理蠶抽蛹高標
鶴謝籠題襟得丁廡入坐喜車公擢穎徵三秀傳鐙合
兩宗雪泥鴻爪聚溫石驥羣空下走慚羊祜生徒讓馬
融旦昏星屢換平艷歲將終就枕蟾輪白求衣蠟燭紅
未令漁者肅敢忘釣人恭拔薤無全力扶麻且度衷膏
流思布漫火烈豈堪烘脫膝期聞善同心望啟蒙學輸
函裏蠹吟息壁間蟲何意眉犁祝爭呈手筆雄濡毫書
混沌攻石試磨礪圃老香留菊江澍冷帶楓清宵傾釀

螳小閣集賓鴻所願長攀芷休教類轉蓬俗情誇廬仕
吾道勸衰翁奴少千頭樹儒安一畝宮銘言在懷袖大製
書於便面令譽保無窮

佛手甘借昌黎孟生詩韻聯句禁使儒書故實示
不敢援儒入墨之義

黃梅一枝出曹谿印禪心延楨大千樹菩提善果留至今

宋來下有苾芻梵語色上有傾迦鵲聲音袁祖合十現

妙相非彈穎師琴延楨簷葡馥竝散梅檀香初沈來鳳淨疑

鍊指去悟從合掌尋祖惠睹此摩頭伽美果爪甲排森森

延楨幻作通身是妙法大力任來鳳或以散優曇不沾維摩

襟祖或以拈曼陀笑向螺髻簪祖或以寫貝葉佉盧行

差參鳳來宛彼兜羅縣潔白佛手似之塵埃無由侵祖若有時據

地獅吼聲嶽嶽延宜種頻陀山山有餘甘子食之可延壽更襍女楮

林來伊羅香也已多臭婆羅葉明淨也復多陰祖望之如攪拏

驚起靈鷲禽延豈爲覓鑷取儼若豎拂臨來毋乃伸五

輪欲翻千偈吟祖毋乃持衣鉢來此瞻部南延彈指非

點石著色疑布金來爲拳光明現舉臂莊嚴欽祖吉祥

天神執天神手執稱意須曼陀爲如來歆延展右漸入

地甘露流遙岑鳳來況提折腳鐙一隻密諦深祖我思乞

指點奉作頑石箴延不然持棒喝懺除綺語淫來供養

向香積伴以七寶礎

薩羅國供佛骨以七寶圖礎爲座祖惠

東坡生日

祠公歲歲逢此日今歲眞乘渡海雲兜率天高原不死
桄榔林密亦留芬半酣黎酒忘機事盡和陶詩得妙文
欲製新詞追李委鏗然擲筆畏公聞

水仙花

嶺南花發常先時未春桃李開繁枝惟有水仙羞自獻
不隨羣卉爭葳蕤冬心堅抱歲云莫粲齒一笑香遲遲
安黃傅粉獨殊衆掩映翠被生光儀炎荒地氣致喧暖
何緣覩此冰雪姿烏皮小几陳花瓷養以白石清漣漪

幽懷淡定坐夜月妙相髣髴迎朝曦詩人譬況洛神攢
淩波微步將通辭我云茲花品最上綺語未欲勦陳思
惟當梅兄伴疏影尋煙飲淥相逶迤不然寒泉薦秋鞠
芳祠配食西湖湄逕披纖縞乘風去攜取瑤笙跨鶴吹

元旦試筆二章

丁酉

皇圖億萬千載臣年六十三齡豐兆已徵得酒歲陽又
值添丁

七葉芸香衍緒一門蕭露承

恩槎客待看奉使榜花佇聽高騫

走馬鐙

華鎧狀房精機輪剏奇法截竹豪胔成翦綵繡鞍壓唾
絨繫繁纓蠻牋被賤甲巧借蘭膏焚輒覲棧豆呬趨炎
就火熱展步恨路狹中疑鄭駟乾骨媿燕駿乏會無壯
士乘但與小兒狎珊瑚鞭籠裏鹿盧劍出匣有如束炬
馳露布奏箋笥燦爛魚翻波跳盪猿擲峽盤旋礙花幡
馳驟動簾押攬轡噪空庭齊唱綠頭鳴

爆竹

春雷未發聲戲以響竹代丸泥封重關繭紙裏堅鎧鑿
竅蚘啟蟄啣尾魚逐隊束筍盈街頭揜袖看見輩碧紗
鐙共買白打錢幸賚牽繩繫流蘇持竿列矛鍬摩天竟

飛騰奮地詎歛退流光入參昴散采爭朧朧火攻嗤阿
奴月望叶歸妹山靜魑絕驚市近犬亂吠破睡警癡聾
解醒沁肝肺衰翁獨學禪虛空悟粉碎

春餅

上元誦食譜說餅惟春宜團樂誤月魄滑膩欺冰肌薄
如雲膚寸潔如雪不緇羞以獸脯腊苒以青菹絲持來
較頭綱形樵肖毫釐我思邨卿鬻溷蹟傷參差故夫耿
相憶憫彼蕉萃姬或坼作十字勞費貽點嗤何如共牢
九芳甘心脾附庸雜不托參佐兼來其盛之白玉盤
環座酣醇醕悠然念疇曩紅綾豔朝曦

又

銀花綴火樹招客陳醪醕春人一以集春盤何所宜膳
夫爲下食時物能辨其調粉雪皚皚和屑風差差熱鑿
乍翻卻鑿魚到切見玉篇宛若姑射肌持對春江月爲璧肯受
緇鼎實供韭菹羹湯膾蓴絲佐以浮圓子中央含蜜脾
不汙寒具油或免桓元嗤莫誤白團扇涼秋感班姬明
日步芳甸淑景開朝曦麥隴吹香來年豐犬生鼈

始雷

沈沈春晝碧窗虛百里驚聞奮地初未免羣兒怨多事
破人濃睡阿香車

夜坐

向晚益無俚虛堂深下簾看書妨病眼覓句惜疏髯坐
久鐙垂穗眠遲漏報籤靜中翻擾擾惆悵月當檐

新種牡丹四本經雨得活

淺紫深紅易地新一番好雨又成春醲膏到處能生物
佳品從來比樹人不羨僊家開頃刻獨憑造化見精神
祝他莫似江鄉種別去經年斫作薪余於皖江官廨會
種牡丹十年以來
花葉繁茂會遷兩廣恐被翦伐特作詩以屬來者今年
有客至自彼中詢之則已不知所往星移物換輒爲慨
然

丁酉

京察內外臣工

臣廷楨

奉有才學俱可之

旨紀

恩恭賦二章

釐工熙績各分曹
華袞榮叨一字褒
橫海雙旌臣分溢
中天三考

帝心勞程才差許
供采桷勵學還教
厠俊髦不待詞頭
宣

內制

至尊親爲注丹毫

記遊芸館署培英
庶常館堂額七略
光分太乙明豈有

詩書能潤澤政緣

謨訓荷財成擘摩宛委儒生福瞻戀

觚棱外吏情節治從來經術重願傾裒裒答

昇平

題湯君與竹遺像二絕

與竹諱荀業武進人有才名侍其父緯堂公宰鳳山

會林爽文作亂城陷與竹殉父死之

蘭陵公子建安曹擅盡詩豪更酒豪海雨天風正吟歎
又隨許遠事弓刀

孤城如斗黯然秋百尺瓊枝一夕休噉斷子規歸不得
招魂應在海東頭

爲湯雨生參戎題其節母楊夫人吟釵圖

自是江東詠絮才蒼茫身世亦堪哀彩鸞舞鏡華年黯
玉燕啣釵晚歲摧網戶塵空箏柱杳牙旗風動板輿來
後人辛苦蒐縑素幸不重泉感劫灰

香山道中

戈船東指虎門回擊楫淩風亦快哉新水綠搖蕉葉去
夕陽紅送荔枝來朝宗鵜鰈帆檣接踏浪魚龍島嶼開
石磴沙隄三百里欲從濠鏡望蓬萊

爲李石梧學使題瓊海乘槎圖

珠嶠皤皤伐銅鼓頑鯨靈囂暗不語脰脰破浪畫旂明
激射搏桑赤丸吐詞曹注籍隸蓬萊入直明光馬與枚

飛來澤國握英簫戴筐挹斗南天開鷁首峩峩虹月貫
青霞縹緲寒風幔手搓繭炷帖銀荷一路龍涎香不斷
天吳列仗立驚瀧雀葆魚旛翡翠幢叱咤山靈作前導
高撐五指護船窗晨披銖帔蠻煙溼懷古蒼茫百端集
大戟仙客詫仙才倒曳桃榔踏波揖楫樓捉筆滌方諸
陰火陽冰氣卷舒不道乘槎師鑿空直須賦海躡元虛
瓊枝十萬瓊田種采采香荃斫枯葑七尺珊瑚鐵網收
歸充條簞揚州貢是年試拔貢展盡丹青作短行紅牙爲補
權歌聲請調水上蒼龍瑟屬和花前紫鳳笙君夫人郭
笙愉亦工

詩閨中唱和有
梧笙館聯吟輯

爲巡官姚恭訓題其先德笙華太史遺像三絕

柯亭幾日巢痕掃花縣經年政牘垂一誦蓼莪身便隱
不須重勒北山移

三十六陂香不斷苧衫小坐送流年須鬢陀已生前往
何遽飛歸兜率天

誦芳喜有後賢在能輯遺編墨未乾我媿芙蓉王儉府
卻招庾杲作衙官

道旁觀去思碑

豐碑七尺立道旁使君去矣留甘棠碑爲文凡五百許
頌我使君如召杜大書深刻核且明爾時父老咸署名

我呼父老諮其事父老謝云不識字

和沈竹坪重過海豐道中卽事原韻

往返褰帷忽匝旬涼風瑟瑟污輕塵偶逢半日秋霖潤
便覺千家野色新問俗可堪牛尙佩觀民未必雉能馴
與君淪茗西窗話孤負黃花玉甕春

海豐行館供白菊二盆竹坪疊前韻見示疊韻奉

和

鉛華謝後色逾眞止染清霜不染塵彭澤衣香攜酒至
定州瓷好助花新蝶勻輕粉尋來瘦鶴愛脩翎立處馴
老圃經秋容本淡未須晚節鬥芳春

羊躡嶺疊前韻示竹坪

峯高不識幾由旬，下視平蕪芥與塵。
繫日長繩牽纜險，摩天大筆勒銘新。
嶺巔作亭題曰去天尺五馬行九折心猶壯，
鵬過千盤氣已馴。極目羅浮何處是，梅花翠羽逗青春。

田家疊前韻

老翁擁絮戶當日，小婦擣衣谿絕塵。
稻把登場水碓急，蔗林夾道山花新。
莖蔦屋北犢初乳，種麥畝西鴉自馴。
我畏簡書正行役，兒童噪看官班春。

舟行逆風甚遲作此撥悶

船窗迂山來半日山未去篙聲屢戛石帆影不辭樹我
頗厭山靈戀戀豈有素山靈不謂然我本萬古住君自
暱就我雷池限半步請看蟻磨旋百轉仍故處毋貽蒼
嵐羞當怨石尤妬風伯聞之笑此事我大誤平生識君
雅逢山輒迴顧今窺君偃卧或爲看山故遲遲尼君行
冀得少佳趣焉知柳生肘狼籍溼襦袴命蓄遇明夷非
抱煙霞痼茲行甚矣憊曷怪逢彼怒請君亦無怒遲速
自有數波濤仗忠信消息恆迭互補過吾尙能反風指
歸路舊聞記馬當弭權天未暮

宴坐

屏山風定篆煙微
署尾初完暫息機
屢勘書猶譌帝虎
長吟詩不襲妃稀
劇棊先自知夷險
品畫從人各是非
卻喜驕兒闔戶揖
倒持爾雅塾中歸

題桐城方節婦

維儀

書畫卷子

卷衰白描羅漢七
自書五律二其從

孫鴻遵
所藏也

清芬小閣占桐鄉
拏底雲機列九張
一代閨襟留翰藻
百年身世閱滄桑
才高道韞空中絮
室有維摩定後香
羣從頗知珍手澤
頻燒芸葉護縑緗

雙硯齋詩鈔卷十四終

雙硯齋詩鈔卷十五

江甯 鄧廷楨 嶰筠

人日以思發在花前分韻探得在字

戊戌

綰符宅南交荏苒遂三載前年家未移皖江尙留待書
來報生孫幡勝正翦綵轉眼齡已三珠圓玉同璫學語
聞牙牙索抱手承顏孩穉日以長朱顏豈不改顛毛與
領髭顧影雪霜催草堂眇天末清尊對溟海山茶木芍
藥先春破蓓蕾佳哉風日和民物當壽愷沈思懷庾郎
朗歎訴真宰不求駐景方但葆令名在

三水縣

三十六江樓

邑行臺書院儀徵相國題曰三十六江樓

樓前一橫舟瀕湟雙

派合煙火萬家浮浩蕩觀瀾意艱難擊楫謀所欣春事

早南陌已驅牛

梧州

灘江知我來迎我蒼梧野飛瀧激竹箭迅急過奔馬
濤聲挾悲風疑爲二妃寫憑弔安可極楚辭卷獨把橫舟
郡城闔比櫛排萬瓦形勢此縛束賁禺乃東下悠悠勞
我思有作懷昔者戈船與下瀨遺烈蓋已寡

欠井

步出城東門古井據山麓欲往神已寒汔至氣先肅炎

蒸異南交定慧託西竺窺之深窅窅懔懔擬蒙轂摩挹
聲叟銘斷句差可讀無欠命曰欠此疑安用蓄清冷不
受滓廉蔚豈含煥留名勵冠蓋趣熱戒塵黷道人幸勿
幕銀牀轉轡轡吾當酌匏尊持以薦秋菊

和竹垞昭平道中韻

羣山作勢蹙飛湍北望昭州路渺漫篷底魚羹三飯易
津頭鷺堠半程難潛蚪歎雨灘聲急卧虎當風石色寒
莫怨舟行如退鷁瞿塘且作眼前看

陽朔道中

昔人話山水陽朔不容口羣山發蓬壺勃怒爭北走巫

衡復南折茲焉會岡阜桂州鬱相望屏幃列左肘直上
圭有郢側出簪在首兩冠開屨屨一柱蠹星斗一峯圓
以櫛落幘如醉叟一峯頤而長掃黛似新婦有時若提
挈童冠頗偕友忽然變孤撐塊獨更無偶龍象紛攪拏
龜蛇互結紐豈惟巨靈擘定有夔罔守我行及仲春灘
水清且瀏微雨生衆綠蔥蒨萬鸚鵡終朝挂船窗謂勝
九華九夜深弄明月空翠落吾手

桂權謠

自蒼梧至桂林山色瑰奇而灘石離立舟人盡
日牽輓殆無停趾邪許之聲哀厲彌長無復權

歌容與意作桂權謠用東坡竹枝歌韻並效其
體約竹坪同作

灘江東注深復深江流詰曲環煙岑岑高水急不可溯
北斗光中望桂林桂林遠隔千山碧陽朔迢遙瞻弗及
篙師拔篙歌楚歌歌聲猶帶蒼梧泣津吏打鼓聲闐闐
緣津犖确無平原樓船戰蹟渺何所空摩銅鼓憶當年
嫋嫋長繩高百尺偃僂牽繩籥雲入繩牽百步舟未移
身作籥條邨能直穹厓巉削無居人舞風野火如燒秦
火遠劇愁山路黑回頭半嶺挂冰輪夜深弭權心悽咽
踵欲生胝臂欲折柁樓晚飯食無魚何堪更唱歸來餞

梅子磯邊落照虛
鷺鷥灘上聽招呼
弄潮枉過相思渡
片石從教化望夫
梅子磯鷺鷥灘相思
河石人磯皆灘名
停辛佇苦悲生事
爲爾長謠當破涕
洞口丹砂箭簇牀
桂州自古神仙地
九疑山入粵西多
孤鶴南飛想大峨
試譜新聲題桂權
擬公江上竹枝歌

獨秀峯

芙蓉天半地當中
星斗高攀帝座通
萬里朱垠鼇作柱
一簪蒼玉鵝摩空
雲間桂樹開邊嶂
嶺表桐圭失故宮
山麓故明桂王府
今爲貢院
幾杵清鐘江月上
四圍煙嶂疊屏風

出桂林西郭十里見一山
山半一洞正圓如鏡東

西通徹可以徑達較他洞尤奇記以詩

桂林山故奇洞穴不勝紀昨遊皆山堂

李芸圃郎時見中別墅也

一斑耳今日出西郭逶迤可十里一峯傍馬頭豁衍豁

然啟有如匳中鏡光瑩達表裏又如碑上穿肉好致圓

美般倅縱神巧未必能辦此毋乃五丁蛇破石貫首尾

我顧不謂爾西河有仙使八萬修月戶七寶日料理遊

戲及茲山餘力弄譎詭若種桂之樹應與廣寒比詢名

問父老結舌不能指名曰璧月巖作詩補圖史

梁苴鄰中丞以銅鼓一枚見贈賦詩志謝和集中

銅鼓聯吟元韻

黃鐘不離瓦釜鳴中有清廟朱絃聲駱越銅鼓聞自昔
不與筍簾陳階楹伏波聚之鑄馬式餘者往往淪巖坳
異說亦云置水底驚慄獐狔威鯢鯨或云拔釵蠻女叩
或云禳眚山魃驚有如岐陽出石鼓千載聚訟徒營營
宇文制作曷堪寶車攻安見非周京遼陽節使始提唱
人間徧識飛瓊名我來升堂幸覲止如瞻彝器眼眇明
摩挲美澤劇斑駁想像歲月多崢嶸迴文細仿圓頂織
經界儼畫方田耕老蟾隱月具深意錘鑪未必由蚩氓
鼓鼙聞聲思將率金鎔赴節諧鐃鉦扶桑挂弓交趾定
當與銅柱羅縱橫長樂中丞續有獲疊雙直與前賢爭

軍門惡客乃遇我拱揖欲乞肱平衡惠然一枚脫手贈
候館耿耿騰元精亟呼材官爲縱擊白雨點急煩敲鏗
歸艗載去志君雅聯翩翰藻猶能銘不須藤峽訪藤鼓
放櫂直下潯江清羊城頭廳好位置用助兩部聲碎句
雙門銅壺記刻漏主者藉以司蠶更城南得此物有偶
琤琮鞺鞳凌晨聽君奉牙璋領桂管蘆笙螺吹皆銷兵
我慙籌海集鸛鵠懷柔震疊求持平匆匆握別悵津鼓
引領西望輝長庚迴思鼎彝鬱古色金心銅行生光瑩
期君大聲相振啟我亦願效撞鐘莛蕭蕭在宮聲聞外
不負鏗鏘曾說經

永福舟中二首

沙步蘭舟七尺寬
篷窗一枕夢猶安
輕帆短櫂隨波下
始識艤艫振柁難

桃未飛花柳欲絲
榜人閒理櫂歌遲
石城艇子揚州路
猶記春風上計時

賓州道中

桂林西下更南遊
醺酒羅池弔柳侯
玉筍瑤簪三百里
又懷王鞏過賓州

昆侖關

瘴煙深鎖一九泥
上將麾戈面具攜
帳下魚龍翻火樹

關前虎豹失雲梯
旄頭射落星初暗
鐃吹歸來月未低
從古論兵貴神速
有人雪夜破淮西

自宣化向橫州

牂牁春水日東流
千點桃花送客舟
芳草一山誰采綠
寒江三月尙披裘
嫫媿上綱聞蠻語
歛乃搖煙雜楚謳
夜半灘聲驚夢醒
滿天風雨向橫州

謁伏波將軍廟

英姿想像據羣年
新息信圭尙儼然
家誠一通懲畫虎
軍符百戰憶飛鳳
雷喧蠻鼓祈春社
風捲靈旗掃瘴煙
銅柱刺天關塞迥
更從南極望星躔

貴縣蠅

入貴縣境舟中蠅集如霰不堪其擾詢之土人
乃知此地故多蠅諺有之柳州兵貴縣蠅皆極
言其多云

貴縣蠅何繩繩汝自人暱人汝憎撲緣十手汝弗懲憶
憶眩我目薨薨亂我耳適從何來遽集此此鄉卑溼爲
汝宮豈思附驥行欲東我雖貴官氣不熱安用營營苦
相結朱門酒肉如澠陵逐臭待汝爲高朋清風一掃歟
然去自有歡場留汝住

藤縣道中

花發木棉樹霞標紅斷岳殘春驚短鬢遠翠落輕衫記
里津亭鼓迎人候吏帆江行殊未已弦月半山銜

歸至肇慶

一舸飛流下遠汀蒼梧左界此維屏西巖孕硯山都紫

南海通潮水漸腥褶袴材官春試馬

肇慶舊爲總督駐劄地七營將校在

焉魚鹽估客夜揚舫烏臺莫聽齊東語且倚危樓看七

星

竹軒宮保新拜大司寇之

命奉送入都二首

作士欽哉

帝命宣廣揚久識股肱賢定應寬大承

明詔豈有苛深急倒縣西府朝儀同令僕南宮仙侶冠

班聯

蒲城協揆總理刑部成公果亭爲滿尙書昔公丙辰同年

白雲舊是迴翔地纔

去曹司十五年

畫諾頻年仗友生居然伐木聽嚶鳴交無洛蜀心相見
佩有韋弦事始平別緒暗隨千騎發孤蹤深懼一襲行
壽陵學步知何日勞我珠江望玉京

聞晉兒入泮

自先太史公下逮予不肖六世遊黌宮詩禮守庭誥大
兒登玉堂足未履鄒校次三亟科舉入監遞相效伯仲

恩尤渥只忝名賢繼魏公

印奩封罷歲將新浩蕩

天書下

紫宸有位聞來皆動色全家喜劇預生春歸途祖帳殊
疏廣露綬懷章薄買臣擬請避榮邀

聽否且開紅旆映征輪

四載綬南化未宣鯨波戎莽幸無旃多慚遠大敷施略
惟藉寅恭共濟賢任重每驚移節屢職思相恍著鞭先
欲知

高厚何由答盡變蠻煙化瑞煙

經濟槃槃仰大才西河公望世爭推人占紫氣英華見
聲動青冥羽翼開治粵惟期民志定綏蠻竚見鷲心摧
與君幕府交移鎮耿耿精衷共往來

石泉都轉歸非早尙得園林樂事陶東海鹽嵯經國富
南中橘柚象行高珂鄉偶此吟鴻爪瑣院當年見鳳毛

石泉乙丑會
試出余房

出處雖殊頭並白相思重望報書勞

相國初開學海堂欲扶經義壯文章一時髦士齊鄒魯

千載英儒繼董

正楊孚

獨媿人宗資北面兼虞政謗熱

中賜

用子產不
毀鄉校事

宣風集雅都無預可得前人並不忘

庚子之春祁春圃大司馬黃樹齋少司寇奉

命來閩句當公事

楨

亦自粵督移任茲邦會辦四閱月

樹齋集蔡忠惠萬安橋碑字爲記奉題四首

庚

子

痛哭長沙策新題白傅吟好生

明主意固本盡臣心岳牧

都俞切滄瀛疾深應憑障川手一爲救冥沈

蔓草圖難盡荏苒隙遂乘機緘原倚伏籌策必凌兢
本期先拔苞萌亦小懲長奸戒姑息勉作郅都鷹

帝念東南亟教馳一丈車虎符三易地龍節兩乘楂拯
溺同心苦籌邊各鬻華酬

集賢堂詩金鑑卷一
恩倚長劍中夜聽清笳

牛斗星方聚鴻泥雪易消豐碑蒐往蹟綦履紀今朝
壁錦書仍貫穿珠語最調留名景忠惠不但詡題橋

與張預佑

并序

辛丑

兩廣督標左營守兵張預佑高要人父廣志官
把總母梁氏側室也佑生一歲而孤梁與其嫡
撫之道光庚子年十七入伍充弓箭手明年春
暎夷犯虎門奉調戍橫檔礮臺臺陷被擄見夷
酋屹立不跪酋欲割其髮辯叱曰頭可割髮不
可割也怵以死則曰兵固爲死來耳酋曰不思

父母乎則又曰可以對

皇上卽可以對父母不思也酋遽起揮令去余聞以白
大府驗其髮良信乃亟拔之亦足以媿厲有位
矣爲作詩二首並書於扇頭與之

截髮何如竟斷頭盤空硬語壓夷酋男兒腰膂堅於鐵
媿殺夸毗體慣柔

熒熒孤寡影形隨去日含悽歸益悲母節寒松兒勁柏
雙清好報九原知

入函谷關

老子入函谷稍爲關尹留著經五千言厥旨在用柔知

雄守其雌不爭斯無尤掉臂竟西去何處縻青牛吾生
苦未學神識溝瞽猶木強不善下坐此嬰百憂代斲豈
非愚脫淵良足羞弱者道之用曷弗姑沈浮驅車邁輦
洛二嶠豁雙眸流沙萬里強望望天西頭儻逢柱下史
眾妙當可求塞兌而挫銳畢然師前修

雙硯齋詩鈔卷十五終

雙硯齋詩鈔卷十六

江甯 鄧廷楨 嶰筠

偶成 王寅

銀河當戶瀉孤光
枕簟淒清已作涼
耿耿不暝聊復爾
迢迢問夜未渠央
遠聞邊事誰能遣
默誦楹書幸未忘
畫角一聲殘月澹
卧聽征雁正南翔

伊江中秋

今年絕域看冰輪
往事追思一愴神
天半悲風波萬里

杯中明月影三人

道光己亥余與少穆以籌海駐虎門中秋之夕偕軍門關茲圖登沙角礮

臺望月遂陟山之極巔

英雄竟汗遊魂血

茲圖以辛丑二月八日戰歿於靖遠礮臺枯

朽空餘後死身獨念高陽舊徒侶單車正逐玉關塵

少穆

亦戌伊犁聞將出關

伊麗河上

萬里伊麗水西流不柰何驅車臨斷岸落木起層波遠影羣鷗沒寒聲獨雁過河梁終古意擊劍一長歌

少穆尙書將出玉關先以詩二章見寄次韻奉和

天山冰雪未停驂一紙書來當劇談試誦新詩消酒琖

重看細字對鐙龕浮生寵辱公能忘

公有印章曰寵辱皆忘

世味

鹹酸我亦諳聞道江鄉烽燧遠心隨孔雀向東南

相從險難動經年莫救薪中厝火然萬口褒譏輿論在

千秋功過史臣編
消沈壯志摩長劍
荏苒餘光付逝川
惟有五更清夢迴
觚稜祇傍斗樞邊

贈林心北

少穆尙書少子也

冰天隨侍輦驕驄
帕首鞞刀尙兒童
犀角定應宅日貴
豹斑誰復此郎同
政如渡海攜蘇過
時以通家候孔融
不礙士龍多笑疾
老夫甘作晉司空

東坡生日同人咸集寓廬
余旣倚百字令慢詞嗣
少穆尙書一飛河帥各有古詩乃亦作一首

玉局仙人致寥落
遊鞦未遽窮
沙漠伊麗河上遲
公來博望乘楂舫
乃鑿要知神氣太
虛齊六幕
高鸞五色霓

鼇柱何曾限南北鵠飛原不計東西頻年笠屐瞻遺象
一片中原接滌蕩蓬矢重尋紗縠行芒屨似曳桄榔杖
今歲迎公出玉門旃裘部落訪烏孫雲中倒跨南飛鶴
海外翻成北徙鯤祝公攬揆非遊戲要繫斯文常不墜
遷客招邀萬里行榮名料理千秋事况兼褒鄂英姿聚
起舞輪臺侑清醕想見常山點皁旗一揮願作西涼簿
雪滿毘侖玉漏遲尻輿神馬更何之問公紫塞驂蚪夜
可似朱崖破浪時

客中不祀竈而紀以詩

古稱爨者老婦祭喁喁祝告羅餅盆後來強紐作司命

傳會周禮眞諛言膠牙餠更等兒戲歲時沿襲流風存
平生不誕炙手熱安能獻媚師王孫矧居謫所就官屋
齋廚野蔌供朝昏竈觚傾歆偪藩溷豈有中饋占家人
今晨剝啄聞叩門良友來過停高軒黃羊一具遠相遺
形狀頗雜糲藩獮亟呼廚人舂毛血洪鑪石炭供煨燔
肴蒸不饗燧人氏祇宜吾輩開清尊滿斟捫酒命刀七
常味未許誇雞豚生不能如虎頭燕領飛食肉又不能
如猿臂射獵南山垠差喜從軍到突厥身手願效輪臺
屯酒酣耳熱目空竈下養男兒卹肯跼踖駒棲輶行觴
且盡今夕醉劍歌徑欲凌昆侖司命司命爾莫嗔

歲除志感兼呈少穆尙書四首

自稅康居駕僂然學據梧臨風惜懷抱對雪感頭顱客
意隨春遠鄉心入夜孤兒孫應憶我不肯醉屠蘇

聞道東溟外秋來已罷兵

皇風宣遠海

天意重蒼生牖戶謀宜亟櫓槍掃欲平所希籌筆者莫
恃敦盤盟

茲土亦云美含豪紀歲時黃羊供節物蒼鹿佐春卮蠻
部爭輪贄番僧解祝釐

皇輿恢二萬原不是天涯

獨有平生契龍沙
慰寂寥吟箋晨互遞
酒局夜相招
患難憐蛩歷芳馨
擥桂椒

清時多雨露
休怨故山遙

立春前一日雪

癸卯

和風五日轉新年
入夜龍公忽弄妍
七寶莊嚴開法界
萬花飛舞及春前
光瑩自憙同冰潔
性冷何妨比玉堅
竹葉滿階尋爪印
忍寒相伴有胎仙

人日復雪

太史占雲已妙妍
靈辰霏屑又蟬嫣
開門恰值雞黏采
俯檻重看鶴奪鮮
最喜無心從抗墜
未宜因物賦方圓

會當消作桃花水直下陰山敕勒川

奉和少穆尙書元夕步月原韻

邊城也自作元宵縹緲天山雪正消熊羆猗那飄畫戟
魚龍曼衍踏春潮風姨舞罷吹衣細月姊妝成滿鏡嬌
良友佳兒足幽興兩家蠟屐未嫌遙

戲詠鐙船

皓月雲中鏡春鐙岸上船雙橈行陸地萬炬燭冰天劇
等兒騎竹喧疑女采蓮臨渠開畫鷁翦紙借飛鸛直問
星橋渡遙分火樹煙更無黃帽擁底用錦帆懸烏榜方
迴櫂鸞釵有墜釧纏頭紛綺繡殿腳鬥嬋娟爛漫輝邊

竟蒼茫念湫垠魚龍猶激浪蛟鰓未潛淵公瑾風原便
陶家艦必堅據鞍思馬援燒布憶楊璇建策如投燭爭
功定扣舷籌狐雖善幻且兔豈終跽柳要幾先補易既濟六
四編有衣柳王注曰薪防厝處然逕思漂木梯力破火
衣柳所以塞舟漏也輪圓

贈鶴和少穆

不舞何曾值一錢清臞猶得伴逋僊已辭珠樹誰分料
卻解琴心學應絃賦裏飛還過赤壁詩中聲欲上青天
攀嵇且博雞羣譽莫羨高冲碧落煙

偶成呈少穆

榆錢淺碧垂垂老杏萼嬌紅故故留堪笑龍鍾兩遷客
春寒同著木棉裘

少穆偕厚莽樵使載酒遊葑園余以病不能奉陪
作此呈少穆

風雨過從我與君卻因衰病感離羣書繙句漏求丹藥
詩愛江淹擬碧雲局似舉棋渾不定緒同抽繭本難分
何如載酒東郊去紅藕香中集屐幫

和豫厚莽偶感原韻

晷冉惜年華棲遲萬里賒明夷占用晦大壯計原差厭
病翻辭藥觀空不憶家澄心盟古雪入夢感驚沙蠖儘

薶幽蟄蜂從鬧午衙與君共磨涅願保玉無瑕

少穆饋魚口占志謝

鮓菹分惠小奩開絕勝邊城買四顚
棖觸江南好風味
三山門外鹵魚來

癸卯七夕少穆一飛厚葦集小齋爲瓜果之會絕
句三首

豈是鍼樓乞巧絲微波款款欲通辭
坐中各有千秋淚
灑向星娥知不知

泛泛秋楂自在行休將消息問君平
七囊儘有支機石
卹得分貽到老兵

深梧共把近階墀
僂看輜輶漏漸移
昨夕銀潢風浪惡
先一夕
大風
渡河芳訊恐差池

病起

紫桂黃耆百裏羸
扶衰才得下階行
老嗟錦瑟華年去
病愛金花夜氣生
大道嬰兒能載魄
涼秋騷客欲餐英
不妨坐近彈碁局
久已心情白水平

哭蔡友石太僕二首

歎歷宣勤結

主知

君山安徽臬司特擢順天府尹

羨君忠孝兩無虧

朝端萬口陳情表

君由京兆尹除僕少

召對時 顓請歸養退而

旨

其疏
上嘉許之
堂下三終戒養詩絲竹東山商出處服闋後

山
烽煙南國寄安危

壬寅六月
王寅六月
吳夷犯省會君招集壯
勇捍衛里閭人心大安當道倚以

重爲
鄉先生繫人倫望社祭行鐫有道碑

我抱痒疴卧塞垣忽傳凶問愴精魂關河賸有餘年在
聲淚多因死別吞歲值巳辰徵讖合生同甲子幾人存
西風萬里空揮涕不得扶衰哭寢門

出門有作

七旬深閉學顛當強起猶嫌白袷涼豈是維摩耽丈室
政如公幹卧清漳告存先寄平安字駐景誰傳服食方
萬一東歸仍健在擬尋畏壘事庚桑

癸卯閏秋被

命東歸少穆尙書以詩贈行次韻卻寄二首

秋淨天山正合圍忽傳

寬大許東歸餘生幸保精魂在往日沈思事業非遇雨
羣疑知並釋搏風獨翼讓先飛河梁自古傷心地無那
分攜淚滿衣

事如春夢本無痕絕塞生還獨戴

恩未必芭蘭香共墮要留薑桂性常存百年多難思招
隱半壁殷憂敢放言此去刀鋌聽續唱遲公歸騎向青

門

奉答豫厚荅權使贈行原韻

得脫南冠荷

主恩強扶衰病醉離尊先歸轉覺情難遣太喜翻教淚
有痕味外鹹酸嘗已慣眼中枯苑過應繁新詩讀罷成
孤負碗晚斜陽已在原

天山題壁

疊嶂摩空玉色寒人隨飛鳥入雲端蜿蜒地幹秦關遠
突兀天梯蜀道難龍守南山冰萬古馬來西極石千盤
艱辛銷盡輪蹄鐵東指伊州一笑看

宿安西州

曼胡纓短野風低策馬城陰草樹齊月魄西生客東去
一時相伴到安西

宿玉門縣

玉門遠在沙州外此縣嘉名襲漢唐我荷
新恩得生入不須回首望敦煌

甘州

自別酒泉問張掖直迎弱水下刪丹九州地到流沙盡
兩戒山連大漠寒度土司空懷德遠登壇飛將歎才難

開元舊曲聲悲壯擬倩曹綱妙手彈

唐開寶間曲有
甘州涼州諸調

次韻程玉樵見贈

公辭薇省暫投閒值我單車入玉關別緒三年逢客路
歸心一夜話家山人間風會從消長天外雲容自往還
漫祝韋丹行再起頽齡卹更點

朝班

涇州西王母宮

雲旗翻動翠微邊青鳥飛還闕殿前一自茂陵營柏寢
祇今涇水護桑田空聞桃實三千歲枉識星精十八年
欲乞神方求駐景阿環歸後信茫然

醴泉懷古

昭陵寢廟玉魚寒麟閣功臣墓碣殘若準九京隨會例

祇應褒鄂許登壇

咸陽道中

綠楊官道赴青門
灃水東趨禹跡存
行過三橋重回首
不妨涇渭各清渾

望太華

三峯如削挂青霓
來自西傾鳥鼠西
到海風雲通地肺
封山祠峙配天齊
壁分雍冀河流壯
俯瞰羸劉輦道低
玉女憑虛應笑我
不曾竊舉躡丹梯

題陳鍾谿前輩贊書圖

九州桃李手親栽
珊瑚網高舉
悉雋才
問字車中無長物

牙籤緗帙載書來

題陳淮生金門宦隱圖

善博高堂笑能師雋不疑胡爲慕中隱
絹素寫英姿竹徑攜琴晚苔階步屨遲
襟懷致清曠託意稱家規

奉和芝軒相國重遊泮宮寄贈吳鑑菴同案原韻
垣啟三台喜麗天螭坳

鳳閣况聯翩卻教元老傳佳話更溯初
桃締舊緣蚤歲青衿重挈領卽今黃髮已垂肩
遙知吳下諸髦士羣仰霓裳第一仙

曾隨吳質謁鱣堂蕊榜同叨玉尺量

楨與鑑菴庚申同榜

我憶秋

風攀桂樹公思春水擷芹香耆年掌故高綸閣秀句琳
瑯壓筆牀慙愧鯁生尙西笑願依北斗望輝光

寄懷少穆

甲辰

五年逐形影展轉嬰百憂遂令平生交直與骨肉侔厥
初事籌海頗欲馴夷酋商略輒中夜肝腎窮彫鏤逾年
困圍城越俎敢代謀生死寄呼吸朝暮如蜉蝣謫戍天
山西振策萬里遊攀茭會有役我去公稍留荷戈旋復
來泛泛雙浮漚眠食互存問疾病相喫咻患難轉益親
下逮僕與騶賤子荷

環召驅車出蘆溝

出伊黎首程地名蘆草溝

河梁不忍別涕泗交頤

流自念蒲柳姿豈望桑榆收酒泉幸生到意嫌夫何求
勿謂無所求思公滯遐陬穹廬歎孤子悲筵動牢愁無
人誦七發夙疾恐未瘳亟祝天回春樂府歌刀頭鬱鬱
久懷抱鹿盧轉不休雨露本無私此志行當酬舊臘拜
恩命宅藩來蘭州西望嘉峪關茲地爲襟喉造物似有
意置我於道周旦晚迎公歸慰我輶飢輶坎陷不失義
靈蓍告我猶相期保百歲安敢論千秋大地東南浮吾
道宜滄洲咄哉此二老長作尋盟鷗

曉入潼關

河聲迎到十里外柳色青於三日前鳥道百盤關四扇

人和殘夢入雲邊

和胡卓峯軍門遊崆峒山作次韻

域內爭傳問道山無緣得見碧孱顏
試吟碎錦連珠句如在瓊樓玉宇間
雲滿鼎湖龍鬣動風迴琪樹鶴聲閒
遙知九疊屏開處定有星旒日往還

芝蓋來遊二月天獨攜長劍倚巖前
圖經細攷峯參五

崆峒山有五在平涼者爲黃帝問道處

氣象真涵界大千叔子名題蒼蘚

上阮孚屐躡翠微邊何時挂笏從公去
同嚼紅霞訪列

仙

和錢心壺給諫生春詩十二首用元微之韻

乙巳

何處生春早春生歲序中乙方抽衆卉月令鄭注乙之言軋也時萬物

皆抽軋而出已乃粵條風乾惕

宸居健文章

四句俱用說文義

蒼然生草木海宇徧芳叢

何處生春早春生

朵殿中

璇闈開壽寓

本年恭逢皇太后七旬萬壽

玉詔溥仁風鬢采

慈雲覆眉梨

愛日融南宮

恩榜放宴啟杏花叢

何處生春早春生挑隴中
曠岷開大壑鳥鼠拂和風
石峽煙初活冰橋凍欲融
五泉欣在望擬上翠雲叢

何處生春早春生開市中
傳柑沿楚頌祭韭襲幽風
符換金泥燦聯書墨汁融
旗亭誇爨弄火樹已分叢

何處生春早春生小閣中
梅花動詩興棣萼守家風
咸兒來自里中即銘柱經文集
咸兒書春聯云利有攸往中

開尊樂意融迎年增馬齒
喜謝簿書叢

何處生春早春生家塾中
筆花垂曉露芸葉漾香風
亥

子詩情協貞元易義融
幼子爾巽作始一終亥詩立春
日作貞下起元詩頗與易義有

契諸孫見頭角應解近書叢

何處生春早春生別墅中藩署東偏小園榜曰紫薇別墅已消苔徑雪

漸軟柳絲風圓嶠煙光活方塘淑氣融園官報芳訊先

入探春叢

何處生春早春生里第中百年縣祖德三壽沐

皇風歲暮御書福字分賜羣臣閒亦加一壽字臣廷楨凡得十二福三壽銅鼓元音邕

梁茵林中丞所贈牙籤

湛露融堂上恭茂賜書緬懷松菊在歸思寄煙叢

何處生春早春生嶰谷中余里居之堂曰青嶰因竹得名也萬竿搖夜

雨千樹數番風青向城頭踏紅歸水際融小亭栽六桂

聽說長新叢

先太史公手植六桂蓋因高祖輩有六人也百餘年來惟吾五房一樹尙存兒輩補

種五株以復其舊焉

何處生春早春生湘水中一麾新被

澤

恆兒山翰林改外今守承順

千里好宣風干羽誠能格苗蠻化已

融勸耕須及早慎勿畏蠶叢

何處生春早春生瀚海中屯田被

恩命

少穆奉辦回疆開墾事宜

旨接

歸騎兆翔風遇雨占應吉瞻雲

氣漸融記曾盟息壤

庚子歲暮少穆與余同滯羊城余製春帖子云敢道在山爲遠志記

曾發篋有當歸山丹忘此息壤也

招隱小山叢

何處生春早春生遠道中秦關娛子舍

石梧中丞來書云年光漸近公

牘較稀惟侍阿母覓棗栗佐春酒以
博歡笑官舍之樂如此增人豔羨
梁苑暢宗風心壺主講

大梁造士稱盛一
門風雅唱和尤多
燕喜瓊卮獻鱸堂寶墨融兩家多盛

事蘭玉已成叢

行次定遠驛先呈至堂子方迪甫三君二首

弭節青門席未溫又持英觴鎮羗渾雙旌促整星言駕

一路重尋雪爪痕未必爭迎如郭伋思將叱馭學王尊

老當益壯

綸音重但有馳驅答

聖恩

關隴迴環路幾千涼雲如夢雨如煙每懷富弼空回首

卻喜洪厓又拍肩人事古來多代謝交情老去識因緣
懸知七月瓜期近政恐離尊咽管絃

至堂三疊前韻見和再疊奉酬

把臂依然笑語溫劇談往往破胚渾護持水竹盟心跡

藩署後園有竹數叢今春抽萌甚盛去任時以屬公愛護尤至茲來重過乃蔚然成林矣感慨滄桑

話夢痕省識疑神緣用志莊子用志不紛乃凝於神可東坡云蜀中古本凝作疑

容無佛妄稱尊來詩推挹過甚期公挾漢分章手萬里旌旌佇

拜

恩

挂腹緇芸定五千揮毫真似落雲煙清機已辦瀾翻舌

冥造猶摩山字肩觴詠幾人追老輩襟裾重接亦前緣
登壇合號楊無敵三疊頻調錦瑟絃

得代東還至堂廉訪疊前韻見贈行未一舍以事

復返蘭垣三疊奉答

歲序經時判蕭溫川流分派別清渾直須靈府虛無物
不使塵緣過有痕值暫別時猶選韻得重逢處且開尊
人生懷抱向誰盡第一難酬國士恩

閱盡閭浮界大千隴雲秦樹各風煙如公合展搏冥翼
顧我宜隨荷筱肩衆妙難逢仙導引人要才悟佛因緣
臨歧謹寄良箴在不佩柔韋祇佩絃

感事書懷呈至堂廉訪四首

歷歷鴻泥印團團蟻磨行還教噴隴饌未許憶秦烹地
迴霜先肅秋中月倍明采薇懷歲莫靡鹽媿吾生

往歲洮西戰甘泉奏捷書荏苒纏藪澤貔虎護儲胥雪
窖迷前路星弧載後車雄文誇羽獵邨更賦憑虛

漢苑蒲梢產唐郊縵錦同誰教塞翁失遂使冀羣空乾
沒尤相效彌縫術轉工房精久韜曜枉說楚人弓

恩怨憑誰問周旋漫自憐抗言推汲黯鑿空謝張騫心
事盟官燭生涯費俸錢杞憂殊未已拊髀一愀然

石梧中丞疊前韻見贈會以事留滯隴右仍疊韻

奉酬

隴首離筵玉璫溫東歸好指樂遊原忽探星宿充楂使
重向河湟踏屐痕懸照可能千里徹達聰應畏

九重尊雷霆急望驚幽蟄長養何殊雨露恩

媿說東方騎擁千瑤華飛到潑松煙靈光殿古空低首

來詩有魯殿靈光一老尊之句媿甚端木牆卑祇及肩十載攀嵇崇物望

九秋借寇識人緣朝

天祇恐遲驄馬定在當頭月上絃

奉和敦夫先生遊龍杖歌次元韻

原注遊龍蓼也一名水荑霜降

後擇其老者製爲杖質堅而體輕甚適於用惜世無知之者歌以紀之

坡翁昔日遊匡廬百錢挂杖聊自娛浮雲富貴誠區區
手攜青竹篠篴敷蕭山相國松心朱實踐不羨仙家鳧
孤標勁節堅根株操履政似眉山蘇園名獨樂五畝餘
花竹秀野洵超殊興來緩步行踟躕深紅淺紫紛鄂跼
中有馬蓼不受鋤亭亭直上如蓬扶天生芳藟忍挫枯
培之竊比開明玕匪若簞汜將畫塗俾作扶老從長鬚
鏗然步履披榛蕪鐵君無恙言非虛嶺南榴栗江東都
黑蛇入手走且趨采芝覓菌巡階除作詩冥造忘勤劬
我知公意增嗟吁秋風鄉思誰能無湘湖蓴菜松江如
飛行情健思秀茶蘆中小艇漁榔俱西興東去雲水鋪

飄然曳杖歌嘯于蕭齋豈必長物儲蛟螭著壁時相須
贈形答影還眞吾繪作水國疏花圖

蘭州中秋呈至堂廉訪

已亥中秋夕虎門泊蘭舟招邀四海兩奇傑

謂少穆尙書滋圖軍

策杖沙角憑譙樓天風浩浩海濤湧劃然長嘯淩滄

洲庚子中秋夕鷺島禦夷酋沙囊壓波過百雉同志獨

有劉安邱

謂莊年觀察

辛丑中秋夕譴謫披荒陬單車蹙蹙

洛陽道兒女悽戀安能留壬寅中秋夕何戈天西頭將

軍張筵佇霜月蘆管轉益征人愁癸卯中秋夕許脫南

冠囚天山皚皚萬古雪冰輪激射光盈眸甲辰中秋夕

屯田駐銀州昆侖寒水遶城郭种諤戰壘明兜鍪今年
中秋夕蘭阪停驂騶秦關月鏡眇天末但見隴首羅雲
浮七年七處逢中秋東西飄泊眞浮漚人生能厯幾塵
劫傷離感逝叢百憂磨盾龍沙念林子裹屍馬革悲關
侯劉生跼伏乘下澤此才棄置吾儕羞榮枯轉眨悟電
影去住無定如川流忽然仰天豁襟抱齊物曷不師莊
周乘風邨得便歸去醉倒且作逍遙遊蘭陵百棧傾盤
落甘州一曲彈箜篌詩成持示楊萬里陽春白雪君當
酬

宴坐偶成

老去於人百不如霜髭覽鏡一軒渠齒搖未許噬乾食
步蹇眞教見曳輿差可十行觀細字邨能三篋記亡書
衰遲數與兵戈會

時青海告警

何日方乘下澤車

薩湘林侍郎過六盤山留詩壁閒有十年六過六
盤山之句自注宦蹟甚詳余以辛丑獲罪戍伊
犁九月過此癸卯

召還京師起甘肅布政使甲辰二月之任七月被
命旬當墾務由固原越山至隴西乙巳三月遷陝撫以
去旋於五月來權督篆九月得代東歸蓋五年
之間已七過六盤山矣因書一律以效顰焉

十年六過六盤山秀句籠紗在壁間我亦駢駢賦行役
五年七度此躋攀龕中老宿迎人慣谷口仙靈笑我頑
立馬峯頭卻東望白雲何處是鄉關

得代東歸石梧中丞疊前韻見寄作此奉酬卽送
入

覲

小陽春近氣猶溫皇澗迎人下巘原柿熟豈因霜染色
柳疏終爲月留痕回中宮接瑤池迴天上旒開華嶽尊
載道歡聲徧童叟

璇闈錫羨正

敷恩

岩薨

金闕路三千不柰分攜灞岸煙韋杜鶯花容我老東南

鼇柱待公肩空倉雀鼠誰料理

江蘇清查倉庫

匝野蟲蠹貴撲

緣聞江淮多盜此去好酬

前席問賡歌行聽播

虞絃

少穆被

命還

朝以詩一章迎之

高皇拓地越烏秣

聖主籌邊軼漢家擬向輪臺置田卒特教博望泛秋楂

八城戶版輸泉賦千騎旃裘擁節華載筆它年增掌故

羈臣乘傳盡流沙

少穆自伊犁戍所奉命履勘回疆新墾地畝馳驅越歲徧歷八城得

旨以四五品

京堂回京候補

夔眩心事最憐君燕羽差池惜暫分

宣室忽聞新渙汗霸陵眞起故將軍春風遠度天山雪

卿月重依

况

帝闕雲往歲詩篇盟息壤道周相候慰離羣

去春有奉懷詩云造

物似有意冥我於道周旦
晚迎公歸慰我朝飢朝

雙硯齋詩鈔卷十六終